

痧脹玉衡書卷之二

松江李林馥啟賢氏重校

樵李郭志遂右陶著

偏身腫脹痧

痧者暑熱時疫惡毒之氣攻於裡則為痰喘為血瘀昏迷沉重不省人事者元氣壯實內不受邪不入於裡即散其毒於肌膚血肉之表為腫為脹若誤飲熱湯熱酒便成大害此痧之暗者宜從脉異處辨之

治驗

一翰黃聞兄一婢久生瘡患腹大如臍手足俱腫延余診之左脉微數右脉或時歇指全思瘡毒入內作腫作脹其脉必然洪數有力方見脉症相對乃可治其瘡毒今左脉洪數右脉歇指脉症不合必慢痧為患也視其腿灣果有痧筋青色刺五針紫黑毒血流之如注未愈又刺指頭毒血二十針用寶花散併付桃仁紅花湯八服服後腫脹俱消如舊

一翰黃聞兄長女手足俱腫將逮於腹延余診之六脉弦細沉遲知其為慢痧之變症也云宜先放其痧緣畏刺不放余辭不用藥恐藥氣稍冷不能治及於血肉之分也越六日腫脹益甚復延余治令其僕婦為主女放痧三十餘針紫黑毒血已出用寶花散稍冷服之併用散痧解毒消痰順氣之劑治之以其痧久綿延難

於速效計服二十四劑。方得腫脹俱消。安平如舊。

一賈峰青。偏身腫脹。服藥不應。延余治之。余見心口將平。臍有青筋。余曰。危哉。診脉無根。殆不可瘥。然視其指上。腿灣青筋交現。刺出毒血甚多。彼又謂痧症不當服藥。遂已。後至二月餘。終成真臟而死。惜哉。

一余隣許姓者。有子四歲。頭面胸腹手足偏身俱腫脹。紅色。頭汗如珠。不絕。求余診視。兩關兩尺皆洪大滑實。兩寸厥厥動搖。此傷食之痧。感於脾經。故偏身肌肉腫脹。及看其痧筋不現。刮痧不起。此因誤飲熱湯。痧氣內攻。壅塞衝心。故偏身作腫。作脹。惟衝心。心臟不受其害。故上于頭面。化而為汗。出之如珠。皆心液也。用紫撲湯加大黃丸。微冷飲之。脹消汗止而愈。

悶痧

痧毒衝心。發暈悶地。一似中暑中風。人不知覺。即時而斃。此痧之急者。如略有甦醒。扶起放痧。不愈。審脉服藥施治。如發暈不醒。扶之不能起。必須審脉辨症的確。果係何因。先用藥數劑。灌醒。然後扶起放痧。漸為調治。

治驗

一汪君美。內室。六月間。發暈昏迷。延余診之。兩寸孔而散。餘脉如常。但重按之時。見歇指。此暑熱穢氣。觸犯心經之痧也。扶之不起。先用寶花散。薄荷湯。併霍香湯。

冷服稍醒。扶刺出毒血三針。不愈。用沉香阿魏丸薄荷湯。微冷飲之。漸安。後用四物湯調理而愈。

落弓痧

倏忽昏迷不醒。或痰喘不已。眼目上吊。形如小兒落弓之症。此暗痧難識。必須審脉辨症。的是痧毒。看其身體涼熱。唇舌潤燥何如。然後治之。

治驗

一盛洪烈子。九月間發熱口渴。昏悶不醒。兩目上翻。延余診視。六脉微細而伏。先用寶花散加痧仁湯。冷下而甦。扶起放痧十二針。去紫黑毒血。用救苦丹。併細辛大黃丸加砂仁湯。稍冷下。又用防風散痧湯。加金銀花丹參山查。藟子而痊。

一陳公玉。八月間。時常身熱。口中微渴。煎滾茶飲之。倏然沉重。昏迷不醒。余診之。左尺沉細。動止不勻。右寸脉浮而芤。此腎虛而痧犯之。腎水之痧。逆行干母肺金。故痰氣壅盛而發暈也。用獨活紅花湯。入貝母牛膝同煎。加童便飲之。更進圓紅散而醒。然後扶起放痧。二日後痧氣清。用補中益氣湯。六味地黃丸調理而痊。

噤口痧

默默不語。語亦無聲。形如啞子。此乃痧氣壅盛。熱痰上升。阻逆氣管。故咽喉閉塞。而然治宜先放其痧。審其肺腎脾三經之脉為要。然後推詳餘經之脉。則知病之本矣。

治驗

一英子瑞一女十一月間忽然痧脹心中煩悶昏沉不語子瑞善放痧稍醒語更終日無聲余診之左關有力右脉沉伏傷氣之痧也此女日為後母所苦故有此變用陳香圓一隻煎湯微冷飲之稍有聲焉未愈次日左脉弦長而動余曰怒氣傷肝痧氣猶阻於肝經之故刺腿灣紫筋三針血流如注又刺頂心臂指二十餘針焉乃用三香散陳皮厚樸湯加延胡索香附溫飲之乃痊

角弓痧

心胸脹極痧毒內攻故頭項向上形如角弓反張是臟腑已壞死症也不可以治

撲驚痧

痰涎壅盛氣急發喘喉聲如鋸痛苦喉驚但喉驚之症喉內腫脹若痧則有如喉驚之痛而無喉驚之腫脹又形若急喉風但喉風之症痛而不移若痧則痛無一定且痧有痧筋喉驚無痧筋此可辨也

治驗

一施襲先痰氣壅盛吹吊痰藥益凶暴痛極余診之脉多怪異此三焦命門之痧也閱臂指筋刺十一針腿灣青筋刺三針出紫黑毒血甚多不愈用沉香鬱金散救苦丹清茶冷飲之外吹冰硼散又用荊芥銀花湯微冷飲之三劑而痊

一周龍生喉痛之極痰涎壅盛延余余曰痧也不信飲熱湯至夕而殞

傷風咳嗽痧

痧從時氣所感因而咳嗽肺經受傷不可以傷風治之蓋傷風以疏風為主若痧則純乎疏風非其所宜當刮痧為先宜清喉順氣涼肺散痧為主若專重疏風縱非緊痧急症亦必咳嗽日盛纏綿不已勞嗽等症由此而成慎之慎之

治驗

一徐茂公傷風咳嗽日晡微寒發熱余診之右寸脉浮而芤餘脉虛而無力時氣所感肺經之痧也其弟為之放痧刮痧稍可不服藥至十餘日咳嗽不止余用射干兜苓湯加前胡山豆根稍冷飲之漸愈

痘前痧脹

痘本先天因時而發必由外感至如痧者亦時疫之氣所感作腫作痛而胎元之毒因之俱發凡痘未見點之前痧脹必心胸煩悶痰涎壅塞甚至昏迷沉重不省人事此其候也其小兒滑疾之脉類於痧症厥厥動搖之脉雖若疑似難明然痧有痧筋可辨宜先刺出毒血而後用藥清理之則痧自退痘自起矣若痘點既形觸穢痘隱者諸痘科自悉不贅

治驗

一夏子亮幼子。五月發熱痰喘氣急。四肢戰動。兩目無神。不省人事。口熱如爐。面有隱隱紅紫細點。延余看痘。閱其腿灣有紫筋兩條。余曰。兩目無神。四肢戰動。痘之候也。隱隱微點。痘之形也。口熱如爐。紅紫之色。熱之盛也。但是痰喘氣急。有腿灣紫筋兩條。必痘因痧脹而發。治宜先放其痧。後發其痘。則痘自起。用針刺出毒血。隨用荊芥連翹防風紅花青皮桔梗枳殼山查葛子一劑。俟稍冷飲之。其痘即發。至十二日乃痊。

痘後痧脹

痘後中氣多虛。有感必傷。尤宜防護。常有小兒痘後收靨脫痂。安然無事。一遇暑熱所侵。或穢惡所觸。即成痧脹。往往有忽然生變。人多認為惡痘所致。即痘科任事者亦以為然。竟不知其痧之為害有如此也。

治驗

一胡丹辰子七歲。八月出痘。脫痂光潔。飲食如常。行步如舊。迨二十五朝。忽然喊叫不已。發暈欲死。皆以為惡痘餘毒使然。求余治之。左右手六部俱微細而伏。余思惡痘餘毒。兆變脉當沉緊有力。今微細而伏。若此脉症不合。視其痧筋。歷歷可指。刺出紫黑毒血。不愈。用荊芥銀花湯。合和脾宣化飲。稍冷飲之。即甦。後小腹痛。變為痢疾。用當歸五錢。山查一錢。熟大黃五分。加童便微溫飲之。稍安。後獨用當

歸山查四劑而痊。

一張可久。女十五歲痘後三十二朝。忽然發暈沉重不能轉側。延余診治。右脈微細。左脈洪大。時一歇指視其指頭黑色。青筋歷歷刺出毒血不愈。用降香桃花散合枳實大黃湯稍冷飲之。不愈。用三香丸微溫服而痊。後傷食為穢氣所觸。腹痛刮痧。服稜朮湯。加明礬二分。微冷飲而安。

胎前產後痧

孕婦之痧最易傷胎。產後之痧須防惡阻較之平人更甚。當急為救療。庶於痧毒未攻壞臟腑之時。可以施治。若屬暗痧發於此時。胎前痧脈溷於可孕。產後痧脈雜於惡阻。又無心腹痛據。痧從暗發。須當究其症候。察其聲色。看有痧筋。急宜刺破肌膚。痧擁尤重。油鹽至若痧毒橫行。肆攻臟腑。莫可挽回。慎毋草草以誤人也。

治驗

一趙方亨內室懷娘六月。寒熱交作。煩悶不安。延余時。痧在始發。脉固未現。初不覺其為痧。用藥不應。忽爾昏沉。次日余診左手脉伏。面目微黑。乃刺其痧。刺腿灣青筋六針。出毒血少愈。用桑寄生紅花香附益母草荊芥細辛。藟子神麴。冲砂仁末。微冷服而安。後用小柴胡湯退熱。又參苓歸地健脾養血乃痊。

胎前痧痛論

胎前痧痛毒氣攻胎。尚懼胎孕絞動傷胎殞命。况痧其毒血攻衝胎孕嬌嫩決難安靜。至如安胎用白朮當歸茯苓之類。痧所大禁。若一誤用。立時痧脹凶危。其痧脹所宜惟是破血破氣之劑。又胎孕所忌。惡膏斟酌其間。若刮痧放痧不愈。必欲活血解毒。用金銀花丹參益母草紅花桑寄生消瘀而不損胎元。順氣用香附陳皮紫蘇。仁烏藥行氣而不傷胎氣。散痧用荊芥防風獨活細辛透竅而不動胎孕。消食積用山查蔔子神麴麥芽。寬中而不伐胎性。採擇於中。最為穩當。然痧毒勢盛此等之藥難於速效。或權用一二味克伐。又恐於胎有害。此予所以反覆而不敢輕任也。

產後痧痛論

產後用藥。必須溫煖。痧脹用藥。惟重清涼。此症屬相反處治之方。毋執產後一於溫煖。亦毋執痧脹一於清涼也。愚嘗遇此等症。竊以為消瘀破血之藥雖用。其餘有不可通用者。是以製就一方。為臨症之法。散痧用獨活細辛破血用桃仁紅花順氣用香附烏藥陳皮解毒用金銀花紫花地丁。消食用山查蔔子神麴麥芽。如產後利用姜灰肉桂以溫血。痧症所大禁。痧症利用荊芥防風以散痧。連翹薄荷以清熱。產後所不宜。况痧症脹極。尤重大黃枳實檳榔。以通其積滯。而產後之約。更不可不禁。恐用此傷產後之氣分也。且產婦服藥宜溫。痧症服藥宜冷。若痧而用溫脹者。益脹產而用冷。瘀者益瘀。故予臨症。惟取微溫之氣。則既無害產後。而亦無助痧禍。若痧更

凶極微溫之氣難於制治。加重便以清熱消瘀。產後痧症俱得其宜矣。

治驗

一顧月溪內室。產後三日。腹中絞痛。脹大如臍。惡露不通。延余診之。余思產婦腹痛。當在小腹。大腹脹痛。亦僅微疼。今產婦大腹絞痛異常。非產婦本症。及按脈洪數有力。余曰。此產後兼痧脹也。當取痧筋驗之。不信。漫服產後藥。益覺昏迷不醒。復求余治。勢已危極。痧筋不現。先取童便一杯。飲之。少甦。閱十指筋。刺出紫黑毒血二十一針。然後扶起。放腿灣痧六針。絞痛稍定。用獨活紅花湯微溫服之。迨痧毒消盡。脹痛盡止。惡露俱通。後調補乃痊。

一蔣南軒內室。產後八日。惡露出血過多。忽惡寒發熱。胸中脹悶。垂危。延余。脈洪大無倫。余思惡露不盡。猶可。今惡露去盡。何以驟得此脈。因語之曰。脈甚凶。若兼痧可救。南軒善放痧。信余言。入視痧筋。紫紅色者二條。放毒血。余復診之。不復洪大。又刺指臂出紫黑毒血二十餘針。用獨活細辛柴胡金銀花丹參益母草牛膝石斛烏藥山查陳皮四劑。微溫服之。寒熱脹俱除。後調補而愈。

一單公廉內室。產後六日。遍體疼痛。寒熱如瘧。昏悶益甚。延余。六脈時有歇指。閱左中指。右無名指。微帶黑色。乃知蕪痧之症。刺指上紫黑毒血七針。臂上毒血一針。舌底下紫黑毒血一針。昏悶疼痛稍緩。用獨活桃仁蘇木香附童便薑黃山查。

微溫服二劑。疼痛昏悶俱除。但寒熱未已。用金銀花丹參益母草艾柴胡獨活薑
灰牛膝山查溫服四劑。寒熱乃瘳。調補月餘而健。

倒經痧

經行之際。適遇痧發。經阻逆行。或鼻紅。或吐紅。肚腹腫脹。臥床不能轉側者。是也。肚
腹不痛。亦為暗痧。若痧毒攻壞臟腑者不治。

治驗

一沈弘先內人。經期發熱。鼻血如注。昏迷沉重。肚腹作脹。延余診之。脉伏。余曰。兼
痧而經逆者也。弘先善放痧。刺腿灣二針。出紫黑毒血不愈。余用桃仁紅花獨活
細辛山查香附青皮加童便飲之。經行調理而愈。

痧熱

頭汗痧狂譫語附

痧氣壅盛。發為熱症。或熱而不涼。或日晡發熱。或潮熱往來。皆痧毒之氣阻而不通。
搏激肌表。發而為熱。不識者認為外感。傳經熱症。發汗溫飲。即漫痧遲緩勢必痧氣
益盛。變出頭汗。發狂種種重症。不知外感之脉浮數。而緊熱症之脉洪數有力。痧症
之脉終有不同。或有可疑。須看痧筋有無。辨之即明。

治驗

一沈懷先夏月日晚發熱五日不涼。諸藥不效。反益昏悶煩燥。余診之。右三部及

左關俱微細無力。余見其病氣有餘。脉反若不足。知非真不足。乃痧脉之變者也。先令刮臂上痧。又於十指臂灣。刺出紫黑毒血三十餘針。不愈。用冷茶送寶花散二服。又以陳皮厚樸湯主之。倍加玄胡索香附煎湯。稍冷服四劑而痊。一邵洪玉內人。日晡發熱。頭汗如雨。延余。六脉震動不常。故知其痧。刺出十指紫黑毒血二十針。不愈。煎紫樸湯稍冷服三劑。痧氣已盡。用大黃三錢。枳實陳皮厚樸各一錢。煎湯溫服。下其結糞。熱退身涼。後朝用補中益氣湯。夕用六味地黃丸調理而痊。

一褚元龍。夏月潮熱往來。已六日矣。服他藥。熱極不涼。發狂讞語。延余。左脉俱微。右脉俱洪大。非痧脉不若是之異也。視其乳下青筋二條。刺出紫黑毒血。不愈。用桃仁澤蘭等分。煎湯平服。神情始定。日漸調理。半月而痊。

痧煩痧睡

痧氣衝於心胸。故心煩或嗜睡。此等之痧。俱屬漫痧之類。輕而日甚。人多誤以心煩嗜睡治之。日甚一日。倘日服熱酒熱湯熱物。雖非驟然緊急。勢必日漸凶險。故併錄之以示戒。

治驗

一王培元適會於其弟宋臣書室。云及心煩之甚。已非一日。將服他藥。余診之。脉

症不合止而不服。閱腿灣痧筋刺而放之。不藥而痊。此等痧甚多。姑記一以為例。
一余弟驤武。每心煩嗜睡。自識其痧。便欲刮旋。不藥而痊。此由中氣虛。故易感痧。
患雖輕之至。不足具述。然亦痧之一症也。姑錄之以廣其說。

老弱蕪痧

先有痰火咳嗽之疾。忽爾喘急。痰涎喉聲如踞。或頭汗如油。喘而不休。心煩悶。莫
可名狀。雖云痰火危篤。往往有之。然亦有蕪感時氣。或穢氣所觸。驟然勢甚者。此治
必宜細細察脉。按症先清其痧。次治其痰。然後漸補氣血。則標本蕪得其理矣。
一汪子建母。七旬有餘。素犯痰火老弱之症。忽痰涎壅甚。喘急不依。喉聲如踞。延

余診之。六脉不勻。有如雀啄。雖老弱痰火之脉。嘗有歇指。亦不足怪。然視其驟然
作變。病必有異。余曰。此兼痧症。尚可治也。閱其左腿灣下有青筋二條。刺之。紫黑
血流如注。先用散痧消食豁痰順氣之劑。併進牛黃抱龍丸。病勢漸安。後惟補其
氣血乃痊。

一盛君和母。五十歲。痰火多年。忽面赤頭汗。遍身俱腫。喘急煩悶倍常。延余診視。
余思老年痰火。固所宜然。何面赤頭汗。遍身俱腫之驟也。及按其脉。又與症相合。
不可據以為痧。然恐痧之為禍不小。若竟以老弱痰火治之。終覺疑而不安。細視
其十指。有細紅絲筋。歷歷可驗。則其痧之為老弱變症也明矣。先治其痧。刺指頭

二十餘針。去其毒血。次用稍冷湯服寶花散。面赤頭汗。身腫俱除。喘急亦漸和緩。唯是老弱瘵火為終身之疾。

瘡症兼痧

瘡痛者。心火血熱所致。故火甚而膿腫所痛。然膿瘡雖痛。必漸漸而致。非若廉痧之驟。故凡瘡瘍兼痧。其腫痛必多可畏處。況瘡瘍脉多洪數。兼痧脉固不同。其痧筋又有可驗也。

治驗

一潘子亮女十八歲。患瘡已半載。忽一日飲酒後。膿瘡大盛。或以其酒助血熱。且食鷄鶩發毒之味。膿瘡腫痛。由斯而極。治以涼血活血解毒托裡之劑。更覺昏迷飽悶。延余治之。脉不洪數而反沉微。余曰。脉症不對。必痧使然。刺出指頭毒血。又刺頭頂心一針。神情方始清爽。但胸中飽悶。用順氣散痧消毒之味。四劑微冷飲之。兼外搽合掌丸。飽悶膿瘡俱愈。

弱症兼痧

先有勞弱不足之症。或吐血時發。或微微乾嘔。兩頤唇口鮮紅。或骨蒸發熱不已。一觸犯時氣傳染。或穢惡之氣相犯。必兼痧脹。或多痰喘。或咽喉如鯁。或心腹脹悶。煩燥發熱。較之平時不足之症。益覺沉重。此宜以痧為主治之。令痧毒退盡。方可治其

本症不然勞弱未見凶危痧禍已在目前矣。

治驗

一婦人吐血乾嘔晝涼夜熱已久忽午後發熱異常脹悶沉重他醫以為怒氣血虛用養血化痰順氣之劑病勢益盛昏迷痰喘不省人事延余左關微緩無力右關似緊非緊餘脉應指不勻余思怒氣填胸左關必須有力平時勞弱脉亦自宜弦數內有鬱血上中二部亦當見芤何脉不對症若是者其左腿灣有紫筋數條歷歷可指其為兼痧之症明矣故昏迷痰喘先刺其痧筋出其毒血倍用寶花散清茶微冷飲之方得神情清爽不復痰喘昏迷脹悶沉重之勢但勞弱由於本原不足綿延未愈。

痧變勞瘵

痧症有惡飲熱湯者有反喜飲熱湯者惟其喜飲熱湯痧症益莫能識慢痧所以變成勞瘵也原其痧毒之始入氣分令人喘嗽吐痰發熱聲啞蓋火毒傷肺肺為嬌臟若不知治變成百日緊勞輕者數年難愈卒至厄亡痧毒之始入於血分重者此變在即輕者歲月延捱若乃毒瘵胃口必須去盡而愈毒瘵肝經損壞內潰吐血數發勢極多危毒瘵心胞絡更加凶險不待時日毒瘵腎經腰脊疼痛嗽痰咯血日甚一日不可得痊凡痧毒遺患總成勞瘵治須識之於始凡臟腑之病莫咎其終損臟腑

不便
治屬

治驗

一王君瑞內室咳嗽吐痰發熱左臂疼痛已年餘矣延余診之六脉浮緊洪數脉症不合又無痧筋但用刮痧痛減服散痧清熱消痰順氣四劑而愈
一楊音節痧脹不服藥惟放痧三次胃脘間成一大塊咳嗽吐痰發熱不食日漸羸瘦延余診之右關脉亢而緊餘脉俱數余曰內有瘀血必吐出而可解用桃仁蘇木澤蘭白蔘藜香附烏藥酒煎服之吐紫黑血碗許更用活血引下之劑加量便酒服之而愈

一左元峰痧脹放痧三次不服藥痧根不絕變成勞瘵咳嗽咯血音啞發喘骨瘦如柴脉洪大無倫余辭不治又二月而終

臟脹兼痧

先有臟脹而痧氣乘之臟脹益甚在臟脹不可先醫在痧氣自宜早治

治驗

一江雲甫肚腹脹急如臍臍突青筋心口將平余診之知為血臟之症其指頭黑色此臟症之所無也視指上有青筋兼痧無疑刺二十餘針又刺臂灣腿灣青筋五針俱去其毒血畧鬆用蔞藜散微溫飲之臍下青筋漸退後用臟症之藥導去

惡水日服治臟香圓丸二月餘臟症盡平永不復發

痧變臟脹

痧者毒也慢痧之毒遷延時日留滯肌膚腸胃血肉之中若不早治即成真臟

治驗

一嚴天玉次子氣急作脹胸腹飽悶臍下有青筋突起心口將平此慢痧成臟也刺腿灣青筋六針出紫黑毒血甚多又刺指頭出毒血二十四針臍上青筋即淡色腹內覺鬆用寶花散微冷服腹脹漸消其後不復用藥施治但恐其根未除日後復發姑誌之以例其餘

半身不遂痧

心主血痧毒入於血分故易攻心此痧症所以發昏也若痧之慢者衝激遲緩未逆於心留滯經絡或在於右或在於左為半身疼痛或麻痺不仁如此半身不遂總因痧毒之遺害也治之者見有痧筋急宜刺破然後用藥以散其毒活血以消其瘀則痧根既拔其症漸痊若不知治綿延日久痧毒益深勢不可遏當又有變證難愈矣

治驗

一章道庵屢患吐血發熱不涼左半身疼痛不已行步艱難延余診之初不覺其為痧也細思脉症不合之處檢其痧筋刺之用桃仁澤蘭獨活烏藥煎二劑微溫

服吐血疼痛俱愈永不復發

一盛成年。朝涼夜熱氣急半年。服藥不應。反加右半身疼痛。不能俛仰。咳嗽吐痰。飲食減少。成勞弱不足之症。棹舟迎余。脉不見弦數而微細。時有歇指。脉症不合。閱其痧筋。刺二十餘針。用薑黃旋覆花丹參橘紅赤芍玄胡索澤蘭山查角刺穿山甲。二劑微溫。服疼痛吐痰俱除。後朝用六味地黃丸。夕用補中益氣湯。朝涼夜熱俱愈。

內傷兼痧

人有內傷。詎無外感。外感之症。不獨風寒。即夏月暑熱之氣。時疫傳染之氣。穢惡觸犯之氣。一受於身。一如外感。然則內傷者本病。外感者標病。故傷寒集中。有內傷外感之症。此之集中。有內傷兼痧之症。治法主意。先辨痧症。治其標。後審內傷。治其本。治驗

一曹洪字子之外戚。爭奪家產。涉訟公庭。有老婦造其家。互相爭毆。發熱沉重。咳嗽吐痰。胸中脹悶。諸親戚惟恐斃於曹姓室中。延醫青來王兄。更邀余往視。青來幾不敢任。余憐憫此婦。不治人命。重情彼此俱敗。若一救之。不特活一婦人。亦且保全兩家。是一大德。余為診之。知為內傷兼痧症也。刺痧筋二十餘針。付寶花散。微溫服之。脹悶稍鬆。爰定一方。即於青來箱中取藥。用桃仁赤芍澤蘭玄胡索紅